

Claude WISELER
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 02/07/2026

Här President,

Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un d'Ministere fir Landwirtschaft, Ernährung a Wäibau & Ëmwelt, Klima an Biodiversitéit weiderzeleeden.

Zu Lëtzebuerg gi Schof a landwirtschaftleche Betriber an och vu Privatpersounen als Hausdéier gehalen. Bei de meeschte Rasse mussen d'Déieren op d'mannst eemol am Joer geschuer ginn, fir gesondheetlech Problemer, Parasitten oder Iwwerhëtzung ze verhënneren.

D'Schofsschur erfuerdert Erfahrung an dat néidegt Wëssen, fir d'Déieren net onnéidegem Stress, Angscht oder Verletzungen auszusetzen. Am Sënn vum Déiereschutzgesetz stellt sech dowéinst d'Fro, wéi de Staat garantéiert, datt dës Aarbecht no de Reegele vun der Konscht gemaach gëtt, fir dass d'Déier net leiden.

An deem Zesammenhang wéilt ech de Ministeren dës Froe stellen:

1. Wéi vill Schof ginn et aktuell zu Lëtzebuerg a kann d'Ministesches dës Zuelen opschlësselen no landwirtschaftlecher Notzung a privater Haltung?
2. Ginn et zu Lëtzebuerg Persounen oder Betriber, déi d'Schofsschur professionell a géint Bezuelung ubidden, a falls jo, wéi eng Qualifikatiounen, Formatiounen, Assurancen oder aner Konditiounen mussen si erfëllen?
Gëtt et eng öffentlech Lëscht vu Persounen oder Betriber, déi dës Konditiounen erfëllen?
3. U wien kënnen sech Privatpersoune wenden, déi hier Schof déiereschutzkonform schuere wëllen?



4. Existéieren staatlech Initiativen oder sinn därer geplangt, eventuell och zesumme mat der Landwirtschaftskummer oder Beruffsverbänn, fir Leit, déi ee Schof als Hausdéier hunn, den Zougang zu Formatiounen oder praktesche Coursen an der Schofsfleeg a Schofschur ze vereinfachen, soudass si et selwer maache kënnen? Falls nee, firwat net?

Mat déiwem Respekt,



GOERGEN Marc
Deputéierten

